

四庫全書

子部

欽定四庫全書

子部

農政全書卷二十一

詳校官中書_臣實汝翼

編修_臣倉聖脈覆勘

總校官進士_臣朱 鈐

校對官編修_臣沈清藻

謄錄監生_臣黃_臣鵠

繪圖監生_臣寶光國

欽定四庫全書

農政全書卷二十一

明 徐光啟 撰


農器

圖譜一

王禎曰昔神農作耒耜以教天下後世因之佃作之具雖多皆以來耜為始然耕種有水陸之分而器用無古今之間所以較彼此之殊效參新舊以兼行使粒食之

民生生永賴焉

耒 耜




耒耜上句木也易繫曰神農氏作斲木為耜揉木為耒
說文曰耒手耕曲木從木推手周官車人為耒庇長尺
有一寸鄭注云庇讀如棘刺之刺刺耒下前曲接耜則
耒長六尺有六寸其受鐵處歟自其庇緣其外遂曲量
之以至于首得三尺三寸自首遂曲量之以至於庇亦
三尺三寸合為之六尺六寸若從上下兩曲之內相望
如弦量之只得六尺與步相應堅地欲直庇柔地欲句
庇直庇則利推句庇則利發倨句磬折謂之中地耜耒


也釋名曰耜齒也如齒之斷物也說文云耜從木吕聲
徐鉉等曰今作耜周官考工記匠人為溝洫耜廣五寸
二耜為耦一耦之伐廣尺深尺謂之畎鄭云古者耜一
金兩人併發之其壟中曰畎畎上曰伐伐之言發也今
之耜岐頭兩金象古之耦也賈公彥疏云古者耜一金
者對後代耜岐頭二金者云也今之耜岐頭者後用牛
耕種故有岐頭兩脚耜也耒耜二物而一事猶杵臼也

犁

農政全書

四





犁墾田器釋名曰犁利也利則發土絕草根也治金而為之曰犁鏡曰犁壁斷木而為之曰犁底曰壓鏡曰策頤犁箭犁轆犁梢犁評犁建犁槃木金凡十有一事耕之土曰塹塹猶塊也起其塹者鏡也覆其塹者壁也故鏡引而居下壁偃而居上鏡之次曰策頤皆貶然相戴自策頤達于犁底縱而貫之曰箭前如程而樛者曰轆後如柄而喬者曰梢轆有越加箭可弛張焉轆之上又如槽形亦如箭焉刻為綬前高而後庫所以進退曰

評進之則箭下入土也深退之則箭上入土也淺評之
上曲而衡之者曰建建捷也所以扼其轆與評無是則
二物躍而出箭不能止橫於轆之前末曰槩言可轉也
左右繫以桴乎輓轆之後末曰梢中在手所以執耕者
也鏡長一尺四寸廣六寸壁廣長皆尺微狹長也底長
四尺廣四寸評底過壓鏡二尺策頤減壓鏡四寸廣狹
與底同箭高三尺評尺有三寸槩增評尺七焉建惟稱
轆脩九尺稍得其半轆至梢中間掩四尺犁之終始丈

有二

陸龜蒙耒耜經曰耒耜民之習通謂之犂

牛

圖不載

耕牛也易曰黃帝堯舜服牛乘馬引重致遠以

利天下蓋取諸隨未有用之耕者山海經曰后稷之孫叔均始作牛耕世以為起於三代愚謂不然牛若常在畝畝武王平定天下胡不歸之三農而放之桃林之野乎故周禮祭牛之外以享賓駕車犒師而已未及耕也即在詩有云載芟載柞其耕澤澤千耦其耘徂隰徂畛又曰有略其耜俶載南畝以明竭作于春皆人力也至


于獲之積之如墉如櫛然後殺時犉牡有捄其角以為社稷之報若使果用之耕曾不如迎貓迎虎列于蜡祭乎蓋牛之耕起于春秋之間故孔子有犂牛之言而弟子冉耕字伯牛禮記呂氏月令季冬出土牛示農耕早晚前漢趙過又增其制度三犂一牛後世因之生民粒食皆其力也然知資其力而不知養其力力既竭矣曾不審寒暑之異宜疫癘之救藥有冬鬻春租冀免鬴豆之費壯鞭老殺猶圖皮肉之貲今勸農有官牛為農本

而不加勸以致生不滋盛價失廉平田野小民歲多租
賃以揭目前計其所輸已過半直是以貧者愈貧由不
恤農之本故也若為民牧者當先知愛重祈報使不敢
慢易絕其妄殺憫其羸瘠豐其萊牧潔其欄牢則無不
字育蕃息扎瘥不作耕種不失足致豐盈此誠善政務
本之意也其可忽諸

欽定四庫全書


卷二十一

榎




耨耨塊器說文云耨摩田器晉灼曰耨椎塊椎也呂氏
春秋曰鋤耨白挺耨椎也管子云一農之事必有一耨
一椎然後成為農今田家所制無齒耨首如木椎柄長
四尺可以平田疇擊塊壤又謂木斫即此耨也

方 耙



人 字 耙




耜作爬今作耨宋魏之間呼為渠拏又謂渠疏陸龜蒙曰凡耕而後有耜今日只知犁深為功不知耜細為全功蓋耜徧數惟多為熟熟則上有油土四指可沒雞卵為得耜耜長可五尺濶約四寸兩耜相離五寸許其耜上相間各鑿方竅以納木齒齒長六寸許其耜兩端木栝長可尺三前梢微昂穿兩木梘以繫牛挽鈎索此方耜也又有人字耜鑄鐵為齒齊民要術謂之鐵齒鋤鍤凡耜田者人立其上入土則深又當于地頭不時跂足

閃去所擁草木根莖水陸俱必用之




[illegible]

秒




耖疏通田泥器也高可三尺許廣可四尺上有橫柄下有列以兩手按之前用畜力輓行一耖用一人一牛有作連耖二人二牛特用於大田見功又速耕耙而後用此泥壤始熟矣

勞



勞無齒耜也但耜挺之間用條木編之以摩田也耕者
隨耕隨勞又看乾濕何如但務使田平而土潤與耜頗
異耜有渠疏之義勞有蓋摩之功也齊民要術曰疏春
耕尋手勞秋耕待白背勞注云春多風不即勞則致地
虛燥秋田塹濕速勞則恐致地硬又曰耕欲廉勞欲再
今亦名勞曰摩又名蓋凡已耕耜欲受種之地非勞不
可


捷



撻打田簍也用科木縛如埽簍復加匾濶上以土物厭之亦要輕重隨宜用以打地長可三四尺廣可二尺餘古農法云耬種既過後用此撻使壟滿土實苗易生也齊民要術曰凡春種欲深宜曳重撻夏種欲淺直置自生注云春氣冷生遲不曳撻則根虛雖生轉死夏氣熱而生速曳撻遇雨必致堅垆其春澤多者或亦不須撻必欲撻者須待白背濕撻則令地堅硬故也又用曳打場面極為平實今人耬種後惟用砵車碾之然執耬種


者亦須腰繫輕撻曳之使壟土覆種稍深也或耕過田
畝土性虛浮亦宜撻之

礮 礮




礮礮又作礮礮陸龜蒙耒耜經云耜而後有礮礮馬有礮礮馬自爬至礮礮皆有齒礮礮觚稜而成以木為之堅而重者良余謂礮礮字皆從石恐本用石也然北方多以石南人用木蓋水陸異用亦各從其宜也其制長可三尺大小不等或木或石刊木枯之中受箕軸以利旋轉又有不觚稜混而圓者謂混軸俱用畜力輓行以人牽傍輓打田疇上塊岱易為破爛及礮捍場圃間麥耒即脫耜穗水陸通用之

石 礪 碑




木 礮 礮




礪磳又作礪磳與礪礪之制同但外有列齒獨用於水
田破塊滓溷泥塗也





瓠 種



瓠種竅瓠貯種量可斗許乃穿瓠兩頭以木簞貫之後

用手執為柄前用作紫

瓠紫中草莖通之以下其種

瀉種於耕壟畔

恐太深則致種於壟畔

隨耕隨瀉務使均勻又犁隨掩過遂成溝

壟覆土既深雖暴雨不致槌捷暑夏最為能

與耐

旱且


便於撮鋤苗亦啗茂燕趙及遼以東多有之齊民要術


曰兩棲重構竅瓠下之以批契維腰曳之此舊制以今

較之頗拙於用故從今法寡力之家比耕耙耨易為

功也

樓車






耬車下種器也通俗文曰覆種曰耬一云耬犁其金似鏡而小魏志略曰皇甫隆為燉煌太守民不知耕隆乃教民作耬犁省力過半得穀加五崔寔論曰漢武帝以趙過為搜粟都尉教民耕殖其法三犁共一牛一人將之下種耬耬皆取備焉日種一頃今三輔猶賴其利自注云按三犁共一牛若今三脚耬矣然則耬之制不一有獨脚兩脚三脚之異若今燕趙齊魯之間多有兩脚耬關以西有四脚耬但添一牛功又連地夫耬中土皆

用之他方或未經見恐難成造其制兩柄上彎高可三尺兩足中虛濶合一塊橫枕四匝中置耬斗其所盛種粒各下通足竅仍旁挾兩轆可容一牛用一人牽傍一人執耬且行且搖種乃自下此耬種之體用今特圖錄近有剗制下糞耬種於耬斗後另置篩過細糞或拌蠶沙耬時隨種而下覆於種上尤巧便也今又名曰種時曰耬子曰耬犁習俗所呼不同用則一也

車 碓




砵

音屯

車砵石碓也以木軸架碓為輪故名砵車兩碓用


一牛四碓兩牛力也鑿石為圓徑可尺許竅其中以受
機括畜力輓之隨耬種所過渰耬碾之使種土相著易
為生發然亦看土脉乾濕何如用有遲速也古農法云
耬種後用耬則壟滿土實又有種人足躡耬底各是一
法今砵車轉碾溝耬特速此後人所創尤簡當也

耕 耒



耕槃駕犂具也耒耜經云橫於犂轅之前耒曰槃言可轉也左右繫以櫟乎軛也耕槃舊制稍短駕一牛或二牛故與犂相連今各處用犂不同或三牛四牛其槃以直木長可五尺中置鈎環耕時旋擲犂首與軛相為本末不與犂為一體故復表出之

牛 軛




牛輓字亦作輓服牛具也隨牛大小制之以曲木竅其兩旁通貫耕索仍下繫鞅板用控牛項輓乃穩順了無軒側說文曰輓轅前木也

馬 秧




秧馬蘇文忠公序云余過廬陵見宣德郎致仕曾君安止出所作禾譜文既溫雅事亦詳實惜其有所缺不譜農器也予昔遊武昌見農夫皆騎秧馬以榆棘為腹欲其滑以楸梧為背欲其輕腹如小舟昂其首尾背如覆瓦以便兩髀雀躍于泥中繫束藁其首以縛秧日行千畦較之偃僂而作者勞逸相絕矣史記禹乘四載泥行乘橈解者曰橈形如箕摘行泥土豈秧馬之類乎

鍤



鏹斫田器也爾雅謂之鍤斫也又云魯斫說文云櫛主
以株除物根株也蓋農家開闢地土用以斫荒凡田園
山野之間用之者又有濶狹大小之分然總名曰鏹

畚




畚顏師古曰鍬也所以開渠者或曰削有所守也唐韻作𡵓俗作畚同作插爾雅曰邨謂之𡵓方言云燕之東北朝鮮洌水之間謂之邨宋魏之間謂之鐸或謂之鐸江淮南楚之間謂之畚趙魏之間謂之梟皆謂鍬也然多謂之畚蓋古謂畚今謂鍬一器二名宜通用淮南子曰禹之時天下大水禹執畚畚以為民先前漢溝洫志白渠歌曰舉畚為雲決渠為雨

鋒




鋒古農器也其金比犁鑿小而加銳其柄如耒首如刃
鋒故名鋒取其銛利也地若堅垆鋒而後耕牛乃省力
又不足办古農法云鋒地宜深鋒苗宜淺齊民要術云
速鋒之地恒潤澤而不硬注曰刈穀之後即鋒芟下令
突起則潤澤易耕又云苗高一尺則鋒之苗生壟平鋒而
不耨農書云無鋤而耕曰耨既鋒矣固不必耨蓋鋒與
耨相類今耨多用岐頭若易鋒為耨亦可代也近世農
家不識此器亦不知名茲特錄其功用知為不可廢也

長 鑿




長鑿踏田器也鑿比犁鑿頗狹制為長柄謂之長鑿杜
工部同谷歌曰長鑿長鑿白木柄即謂此也柄長三尺
餘後偃而曲上有橫木如拐以兩手按之用足踏其鑿
柄後跟其鋒入土乃挾柄以起塏也在園圃區田皆可
代耕比於鑿斲省力得土又多古謂之蹠鐮今謂之踏
犁亦耒耜之遺制也淮南子曰伊尹之興土工也脩脚
者使之蹠音隻鐮注長脚者蹠鐮得土多也

鐵 搭




鐵搭四齒或六齒其齒銳而微鉤似耙非耙斲土如搭是名鐵搭就帶圓釜以受直柄長四尺南方農家或乏牛犂舉此斲地以代耕墾取其疏利仍就鋤鍤塊壤兼有耙鏝之效嘗見數家為朋工力相傳日可斲地數畝江南地少土潤多有此等人力猶北方山田鏝戶也


鐵杵




木杵



鐵刃杵




竹揚杓




杓耜屬但其首方濶柄無短拐此與鋤耜異也煅鐵為首謂之鐵杓惟宜土工剡木為首謂之木杓可揀穀物又有鐵及木杓裁割田間塋埂以竹為之者淮人謂之竹揚杓與江浙颺去聲籃少異今皆用之

鏡






鑿犁之金也集韻注銳也吳人云鐵犁長尺有四寸廣六寸陸龜蒙耒耜經曰冶金而為之者曰犁鑿起其墾者也負鑿者底底實于鑿中工謂之鼈肉底之次曰壓鑿皆弛然相戴若剡土既多其鋒必禿還可鑄接負農利之

鉷




鐮集韻云耕具也釋名鐮鐮類起土也說文鐮作耒兩
办鐮也從木象形宋魏作耒集韻耒作鐮或曰削能有
所穿也又鐮剗地為坎也鐮與鑿頗異鑿狹而厚惟可
正用鐮闊而薄翻覆可使老農云開墾生地宜用鑿翻
轉熟地宜用鐮蓋鑿開生地著力易鐮耕熟地見功多
然北方多用鐮南方皆用鑿雖各習尚不同若取其便
則生熟異氣當以老農之言為法庶南北互用鑿鐮不
偏廢也

鉞





鋤犁耳也其形不一耕水田曰瓦繳曰高脚耕陸田曰
鏡面曰碗口隨地所宜制也

剗



剗俗又名鏟周禮雍氏掌殺草冬日至而耜之鄭玄謂以耜側凍土而剗之其刃如鋤而闊上有深袴插於犁底所置鑱處具犁輕小用一牛或人輓行北方幽冀等處遇有下地經冬水涸至春首浮凍稍甦乃用此器剗土而耕草根既斷土脉亦通宜春種麴麥凡草莽污澤之地皆可用之蓋地既淤壤肥沃不待深耕仍火其積草而種乃倍收斯因地制宜制器剗土除草故名剗兼體用而言也

刺



耨農桑輯要云燕趙之間用之如鏡而小中有高脊長
四寸許闊三寸插於耬足背上兩竅以繩控於耬之下
枕其金入地三寸許耬足隨瀉種粒其種入土既深田
亦加熟耨所過猶小犁一遍如古耦耕之法即一事而
兩得也

農政全書卷二十一

欽定四庫全書

子部

農政全書卷三十二

詳校官中書_臣寶汝翼

編修_臣倉聖脈覆勘

總校官進士_臣朱 鈐

校對官編修_臣沈清藻

謄錄監生_臣黃巨鵠

繪圖監生_臣寶光國

欽定四庫全書

農政全書卷二十二

農器


圖譜二

明 徐光啟 撰

王禎曰錢鏹古耘器見於聲詩者尚矣然制分大小而用有等差揆而求之其鋤耨鍤盪等皆其屬也如耒鋤鍤鋤耘爪之類是其變也至于耨馬耨鼓又其輔也倘

度而用之則知水陸之耘事有大功利在矣

錢




錢臣工詩曰序乃錢鑄注錢鉞也唐韻作廓器也非鉞
屬也茲度其制似鉞非鉞殆與鑊同纂文曰養苗之道
鋤不如耨耨不如鑊鑊柄長二尺刃廣二寸以剗地除
草此鑊之體用即與錢同

鑄



鑄耨別名也詩曰其鑄斯趙以耨荼蓼釋名曰鑄迫也
迫地去草也爾雅疏云鑄耨一器或云鉏或云鋤屬耨
質諸考工記粵獨無鑄何也粵之無鑄非無鑄也夫人
而能為鑄也


耨



耨除草器易曰耨之利以教天下呂氏春秋曰耨柄
尺此其度也其長六寸所以間稼也高誘注云耨芸苗
也六寸所以入苗間廣雅又云定謂之耨爾雅曰斲
謂之定郭曰鋤屬淮南子曰摩蜃而耨蜃大蚌也摩全
利用耨此古農
器也纂文曰養苗之道鋤不如耨古農法云苗生葉以上
稍耨壟草因墮其土以附苗根此耨功也

鉏


耨



耨鉏耨為鉏柄也釋名鋤助也去穢助苗也說文鋤立
耨也夫鋤法有四次曰鋤二次曰布三次曰擁四次
曰復鋤則苗隨茲茂其刀如半月比耨稍狹上有短
釜以受鋤鈎鈎如鵝項下帶深袴皆以鐵為之以受木柄鈎

長二尺五寸柄亦如之北方陸田舉皆用此江淮間雖
有陸田習俗水種但用直項鋤頭刃雖鋤也其用如斲
是名鑊鋤故陸田多不豐收今表此耨鋤之効并其制
度庶南北通用

鋤 耨




耬鋤種時直說云此器出自海墾號曰耬鋤耬制頗同
獨無耬斗但用耬鋤鐵柄中穿耬之橫枕下仰鋤刃形
如杏葉撮苗後用一驢帶籠背輓之初用一人牽慣熟
不用人止一人輕扶如土二三寸其深痛過鋤力三倍
所辦之田日不啻二十畝今燕趙間用之名曰劉子劉
子之制又小異於此劉子第一遍即成溝子穀根未成
不耐旱耬鋤刃在土中故不成溝子第二遍加擗土木
馬翅方成溝子其土分壅穀根擗土

用木厚三寸闊三寸長八寸取成三

角樣前為尖中作一竅長一寸闊半寸穿於鐵鋤柄上壓鋤刃上韓氏直說云如耒鋤

過苗間有小豁不到處用鋤理撥一遍即為全功也

鋤 鐙



鐙鋤剗草具也形如馬鐙其踏鐵兩旁作刃甚利上有圓釜以受直柄用之剗草故名鐙鋤柄長四尺比常鉏無兩刃角不致動傷苗稼根莖或遇少旱或煖苗之後壟土稍乾荒蕨復生非耘耙耘爪所能去者故用此剗除特為健利此創物者隨地所宜偶假其形而取便於用也嘗見江東農家用之




截



截釋名曰鍬平削也廣雅曰截纂文曰養苗之道鋤不
如耨耨不如鍬鍬柄長二尺刃廣二寸以剗地除草此
古之鍬也今鍬與古制不同柄長數尺首廣五寸許兩
手持之但用前進攏之剗去壟草就覆其根特號敏捷
今營州之東燕薊以北農家種溝田者皆用之

耘

盪



耘盪江浙之間新制之形如木屐而實長尺餘闊約三寸底列短釘二十餘枚冀其上以貫竹柄柄長五尺餘耘田之際農人執之推盪禾壠間草泥使之溷溺則田可精熟既勝杷鋤又代手足

水田有手耘足耘

况所耘田數日


復兼倍嘗見江東等處農家皆以兩手耘田匍匐水間膝而行前日曝於上泥潮於下豳詩農事之敘至耘苗則曰暑日流金田水若沸耘耔是事稂莠是除爬沙而指為之戾偃僂而腰為之折此耘苗之苦也今覩此器

惜不預傳以濟民用茲特列叙庶愛民者精為取法

玄扈先生曰既盪仍須耘盪一

闕

耘 爪



耘爪耘水田器也即古所謂鳥耘者

闕

隨手

指大小截之長可逾寸削去一闕

狀如闕

堅利

以鐵為之穿於指上

闕

爪也今江南改為此具更為省便

馬 蓐




耨馬耨禾所乘竹馬也侶籃而長如鞍而狹兩端攀以竹桑農人耨草之際乃寘于跨間餘裳斂之於內而上控于腰畔乘之兩股既寬行壠上不礙苗行又且不為禾葉所絀故得專意摘剔稂莠速勝鋤耨殆若秧馬之類因命曰耨馬

鉦



鉦穫禾穗刃也臣工詩曰奄觀鉦艾書禹貢曰二百里
納鉦小爾雅云截穎謂之鉦截穎即穫也據陸詩釋文
云鉦穫禾短鎌也纂文曰江湖之間以鉦為刈說文云
此則鉦器斷禾聲也故曰鉦

艾





艾穫器今之刈鎌也方言曰刈江淮陳楚之間謂之銘

昭音或謂之鍋音渠自關而西或謂之鉤或謂之鎌或謂之

鋏音結詩奄觀銍艾釋音入韻作艾艾草亦作刈賈策若


艾草管注艾讀曰刈古艾從草今刈從刀宜通用

鎌




鐮刈禾曲刀也釋名曰鐮廉也薄甚所刈似廉考工又作鐮風俗通曰鐮刀自揆積芻蕘之效然鐮之制不一有佩鐮有兩刃鐮有袴鐮有鈎鐮有鐮祠之鐮皆古今通用芟器也

推 鐮




推鐮斂禾刃也如蕎麥熟時子易焦落故制此具便於
收斂形如偃月用木柄長可七尺首作兩股短叉架以
橫木約二尺許兩端各穿小輪圓轉中嵌鐮刃前回仍
左右加以斜杖謂之蛾眉杖以聚所斂之物凡用則執
柄就地推去禾莖既斷上以蛾眉權約之乃回手左擁
成稜以離舊地另作一行子既不損又速於刀刈數倍
此推鐮體用之效也

栗 鑒




粟鑿截禾穎刃也集韻云鑿剛也其刃長寸餘上帶圓
鑿穿之食指刃向手內農人收穫之際用摘禾穗與銓
鎌制不同而名亦異然其用則一此特加便捷耳

鐮




鐮似刀而上彎如鐮而下直其背指厚刃長尺許柄盈
二握江淮之間恒用之方言云自關而西謂之鉤江南
謂之鏃鏃鐮集韻通用又謂之彎刀以刈草木或斫柴
篠或代鐮斧一物兼用農家便之

鑿





鑿集韻云鑿兩刃刈也其刃長餘二尺闊可三寸橫插長木柄內牢以逆楔農人兩手執之遇草萊或麥禾等稼折要展臂匝地芟之柄頭仍用掠草杖以聚所芟之物使易收束太公農器篇云春鑿草棘又唐有鑿麥殿今人亦云芟曰鑿蓋體用互名皆此器也

刀 剗



鋤刀集韻與鋤同闢荒必也其制如短鐮而背則加厚
嘗見開墾蘆葦蒿菜等荒地根株駢密雖強牛利器鮮
不困敗故于耕犁之前先用一牛引曳小犁仍置刃裂
地闢及一隴然後犁鏡隨過覆塹截然省力過半又有
於本犁轅首裏邊就置此刃比之別用人畜就省便也

鋤



鐮

切草也

凡造鐮先鍛鐵為鐮背厚可指許內嵌鐮刃如

半月而長下帶鐵袴以挿木柄截木作碓長可三尺有
餘廣可四五寸碓首置木箕高可三五寸穿其中以受
鐮

斧圖不載釋名曰斧甫始也凡將制器始以斧伐木已乃

制之也周書曰神農作陶冶斧破木為耒耜鋤耨以墾
草莽然後五穀興其柄為柯然樵斧桑斧制頗不同樵
斧狹而厚桑斧闊而薄蓋隨所宜而制也今農耕作之
際修理佃具隨身尤不可闕者

鋸



圖不載

解截木也古史考曰孟莊子作鋸說文曰鋸槍

唐也莊子曰禮若亢鋸之柄又曰天下好智而百姓求
竭矣於是乎斲音斤鋸顓焉太公農器篇云鑿鋤斧鋸此

鋸為農器尚矣今接博桑果不可闕者


礪



礪磨刃石也書曰揚州厥貢礪砥廣志曰礪石出首陽山有紫白粉色出南昌者最善山海經曰高梁之山多砥礪尸子曰鐵使干越之工鑄之以為劍而勿加砥礪則以刺不如擊不斷磨之以礪加之以黃砥則刺也無前擊也無下自是觀之礪與弗礪其相去遠矣今農器鎌斧鏹鏹之類非礪不可大小之家所必用也蔡邕銘曰木以繩直金以沛剛必須砥礪就其鋒銳

大耙


穀耙



竹杷


耘杷

小杷




把鏤鋤器也方言云宋魏間謂之渠拏或謂之渠疏直柄橫首柄長四尺首闊一尺五寸列鑿方竅以齒為節夫畦畛之間搜剔塊壤疏去瓦礫場圃之上樓聚麥禾擁積稻穗此益農之功也後有穀杷或謂透齒杷用攤曬穀又耘杷以木為柄以鐵為齒用耘稻禾竹杷場圃樵野間用之

杓




杌無齒杷也所以平土壤聚穀實說文云無齒為杌禾
譜字作戛周生烈曰夫忠蹇朝之杷杌正人國之埽篲
秉杷執篲除凶埽穢國之福主之利也杷杌之為器也
見於書傳至今不替其用為不負紀錄矣

平 板




平板平摩種秧泥田器也用滑面木板長廣相稱上置
兩耳繫索連輓駕牛或人拖之摩田須平方可受種即
得放水浸漬勻停秧出必齊田家或仰坐橈代之終非
本器

田 盪



田盪均泥田器也用义木作柄長六尺前貫橫木五尺許田方耕耙尚未勻熟須用此器平著其上盪之使水土相和凹凸各平則易為秧蒔農書種植篇云凡水田渥漉精熟然後踏糞入泥盪平田面乃可撒種此亦盪之用也夫田盪與上篇耘盪之盪字同音異所用亦各不類因辯及之

輓 軸



軸軸輓碾草木軸也其軸木徑可三四寸長約四五尺
兩端俱作轉箕挽索用牛拽之夫江淮之間凡漫種稻
田其草禾齊生並出則用此輓碾使草禾俱入泥內再
宿之後禾乃復出草則不起又嘗見一方稻田不解插
秧唯務撒種却於軸間交穿板木謂之鴈翅狀如礮礮
而小以輓打水土成泥就碾草禾如前江南地下易於
得泥故用輓軸北方塗田頗少放水之後欲得成泥故
用鴈翅輓打此各隨地之所宜用也

秧

彈



秧彈

平聲


秧壠以筏為彈彈猶弦也世呼船牽

去聲

曰彈字

義俱同蓋江鄉櫃田內平而廣農人秧時漫無準則故制此長筏掣於田之兩際其直如弦循此布秧了無欹斜猶梓匠之繩墨也

杈



杈


如加切

籍禾具也。搯木為之，通長五尺，上作二股，長可

二尺，上一股微短，皆形如彎角，以箴取禾穗也。又有以木為榦，以鐵為首，二其股者，利如戈戟，唯用義收禾束，謂之鐵禾杈。

笮






笕架也集韻作筧竹竿也或省作笕今湖湘間收禾並
用笕架懸之以竹木構如屋狀若麥若稻等稼穫而策
音之悉倒其穗控於其上久雨之際比於積垛不致鬱
爛江南上雨下水用此甚宜北方或遇霖潦亦可倣此
庶得種糧勝於全廢今特載之冀南北通用

欽定四庫全書

卷二十二

喬 杆



喬杆

音千

挂禾具也凡稻皆下地沮濕或遇雨潦不無渰

浸其收穫之際雖有禾稈不能臥置乃取細竹長短相

等量水淺深每以三莖為數近上用篾縛之義於田中

上控禾把又有用長竹橫作連脊挂禾尤多凡禾多則

用笮架禾少則用喬杆雖大小有差然其用相類故并

次之

禾鈎


圖不載

斂禾具也用禾鈎長可二尺嘗見壠畝及荒

蕪之地農人將芟倒禾稈或草稈用此匝地約之成梱

則易於就束比之手捷力展切甚速便也

搭 爪



搭爪上用鐵鉤帶榜中受木柄通長尺許狀如彎爪用如爪之搭物故曰搭爪以環草禾之束或積或擲日以萬數速於手挈可謂智勝力也

禾擔負禾具也其長直尺五寸剡匾木為之者謂之輦

擔斫圓木為之謂之樛擔

集韻云樛音聰尖頭擔也

匾者宜負器與

物圓者宜負薪與禾釋名曰擔任也力所勝任也凡山路巖嶮或水陸相半舟車莫及之處如有所負非擔不

可
圖不載

連 枷



連枷

古牙切

擊禾器國語曰權節其用耒耜耨支

以耨拂草

廣雅曰拂謂之架說文曰拂架也拂擊禾連架釋名曰

架加也加杖於柄頭以槁

陟爪切

穗而出穀也其制用木

條四莖以生革編之長可三尺闊可四寸又有以獨挺

為之者皆於長木柄頭造為掇軸舉而轉之以撲禾也

方言云僉宋魏之間謂之攝父

殊音

自關而西謂之拂

薄宓切

齊楚江淮之間謂之秧

音快


或謂之悖

音敕

今呼為連

耨南方農家皆用之北方穫禾少者亦易辦也

刮板



刮板剗土具也用木板一葉闊二尺許長則倍之或煨鐵為舌板後釘木直二莖高出板上槩以橫柄板之兩傍係一鐵鑲以攪拽索兩手推按或人或畜輓行以剗壅脚土凡修閘壩起堤防填污坎積丘垤均土壤治畦埂疊場圃聚子粒擁糠粃胡骨切除瓦礫即擊切雖若乏用然農家之事居多也

農政全書卷二十二